



Broj: 12-11-15-2050/22

Sarajevo, 13. 7. 2022. godine

Na osnovu člana 70., člana 89. stav (3) Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka javne nabavke telekomunikacijskih usluga fiksne telefonije u Mostaru, putem konkurentskog zahtjeva za dostavu ponuda, za potrebe Ureda za reviziju institucija u Federaciji Bosne i Hercegovine za budžetsku 2022. godinu iz Zapisnika o pregledu i ocjeni ponuda, broj 12-11-15-1772-7/21 od 12. 7. 2022. godine, generalni revizor donosi

ODLUKU

o izboru najpovoljnijeg ponuđača za javnu nabavku telekomunikacijskih usluga fiksne telefonije u Mostaru

I

U postupku javne nabavke telekomunikacijskih usluga fiksne telefonije u Mostaru, putem konkurentskog zahtjeva za dostavu ponuda za potrebe Ureda za reviziju institucija u Federaciji Bosne i Hercegovine za budžetsku 2022. godinu, Ugovorni organ donio je odluku o izboru najpovoljnijeg ponuđača JP Hrvatske telekomunikacije d.d. Mostar za ponuđenu cijenu 1.168,20 KM bez PDV-a.

II

Zadužuje se Odjeljenje za pravne i opće poslove i ljudske resurse da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja i bit će objavljena na službenoj internet stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Odlukom o pokretanju postupka javne nabavke broj: 12-11-15-1772/22 od 16. 6. 2022. godine, Ured za reviziju institucija u Federaciji Bosne i Hercegovine (u daljem tekstu: Ugovorni organ) pokrenuo je postupak javne nabavke telekomunikacijskih usluga fiksne telefonije u Mostaru putem konkurentskom zahtjeva za dostavu ponuda za budžetsku 2022. godinu.

U skladu sa odredbama člana 35. Zakona, Obavještenje o javnoj nabavci broj 296-7-2-33-3-19/22 objavljeno je na Portalu javnih nabavki 21. 6. 2022. godine, uz upućivanje poziva za dostavu ponuda na adrese potencijalnih ponuđača.

Postupak je provela Komisija imenovana Rješenjem generalnog revizora broj 12-11-15-1772-1/22 od 16. 6. 2022. godine, koja je sačinila: Zapisnik o zaprimanju ponuda broj: 12-11-15-1772-5/22 od 8. 7. 2022. godine, Zapisnik o otvaranju ponuda od 8. 7. 2022. godine, Analitički prikaz traženih i dostavljenih dokumenata – Kvalifikacija ponuđača br. 12-11-15-1772-6/22 od 11. 7. 2022. godine, Zapisnik o pregledu i ocjeni ponuda br. 12-11-15-1772-7/22 od 12. 7. 2022. godine.

Uvidom u Zapisnik Komisije o pregledu i ocjeni ponuda utvrđeno je:

- Na protokol Ugovornog organa pristigla je jedna ponuda, ponuđača JP Hrvatske telekomunikacije d.d. Mostar
- Iz analitičkog prikaza traženih i dostavljenih dokumenata konstatovano je da ponuđač JP Hrvatske telekomunikacije d.d. ispunjava zahtjeve iz Tenderske dokumentacije

- U predmetnom postupku javne nabavke Ugovorni organ predvidio je provođenje e-aukcije
- Članom 3. stav. (3) Pravilnika o uslovima i načinu korištenja e-aukcije („Službeni glasnik BiH“, broj: 66/16), propisano je: „U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“
- S obzirom da je u predmetnom postupku nabavke Ugovorni organ primio jednu prihvatljivu ponudu e-aukcija se nije mogla zakazati.
- Cijena ponude ne prelazi osigurana sredstva Ugovornog organa
- Članom 89. stav (3) Zakona o javnim nabavkama propisano je da: „Kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od 10 dana od dana okončanja postupka javne nabavke.“

Komisija je u Zapisniku o pregledu i ocjeni ponude predložila odgovornoj osobi Ugovornog organa da u skladu sa članom 89. stav (3) Zakona o javnim nabavkama ugovor za usluge fiksne telefonije u Mostaru dodjeli ponuđaču JP Hrvatske telekomunikacije d.d. Mostar, s obzirom da je ugovorni organ primio jednu prihvatljivu ponudu i to ponudu ponuđača JP Hrvatske telekomunikacije d.d. Mostar.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.


Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- JP Hrvatske telekomunikacije d.d. Mostar
- u spis predmeta nabavke
- a/a





Broj: 12-11-15-2523/22
Sarajevo, 5. 9. 2022. godine

Na osnovu člana 69. stav (1) tačka a), člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14) i preporuke Komisije za provođenje postupka javne nabavke kompjuterske i uredske opreme putem otvorenog postupka javne nabavke (obavještenje o javnoj nabavci broj: 296-1-1-34-3-20/22 objavljeno je na Portalu javnih nabavki 8. 7. 2022. godine i Sažetak obavještenja u „Službenom glasniku Bosne i Hercegovine“ broj 48/22 od 22. 7. 2022. godine.), date u Zapisniku o pregledu i ocjeni ponuda broj: 12-11-15-1771-8/22 od 1. 9. 2022. godine, generalni revizor d o n o s i

ODLUKU

o izboru najpovoljnijeg ponuđača za javnu nabavu kompjuterske i uredske opreme za LOT 7 – pametna (interaktivna) tabla

I

U postupku javne nabavke kompjuterske i uredske opreme putem otvorenog postupka javne nabavke, Ugovorni organ donio je odluku o izboru najpovoljnijeg ponuđača za LOT 7 – pametna (interaktivna) tabla, i to: IMTEC d.o.o. Sarajevo, za ponuđenu cijenu 4.000 KM bez uključenog PDV-a.

II

Zadužuje se Odjeljenje za pravne i opće poslove i ljudske resurse, da ovu Odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove Odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja i bit će objavljena na službenoj internet stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik Bosne i Hercegovine“ broj 39/14) Odlukom broj: 12-11-15-1771/22 od 16. 6. 2022. godine pokrenuo postupak javne nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2022. godinu. Postupak je podijeljen na sedam lotova:

- LOT 1 – Računari – radne stanice
- LOT 2– Monitor
- LOT 3 – USB-C dock
- LOT 4 – Mrežni štampač A4 laserski monohromatski
- LOT 5 – Mrežni štampač A4 u boji tintni
- LOT 6 – Multifunkcijski štampač kopir/skener/faks A4 laserski monohromatski
- LOT 7 – Pametna (interaktivna) tabla

Obavještenje o javnoj nabavci, broj: 296-1-1-34-3-20/22 objavljeno na Portalu javnih nabavki dana, 8. 7. 2022. godine, a Sažetak obavještenja u „Službenom glasniku Bosne i Hercegovine“, broj 48/22 od 22. 7. 2022. godine.

Komisija za provođenje postupka javne nabavke kompjuterske i uredske opreme imenovana je Rješenjem generalnog revizora broj: 12-11-15-1771-1/22 od 27. 6. 2022. godine, provela je postupak javne nabavke u skladu sa Zakonom o javnim nabavkama i podzakonskim aktima te o istom sačinila: Zapisnik o otvaranju ponuda od 1. 9. 2022. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-1771-7/22 od 1.

9. 2022. godine i Zapisnik o pregledu i ocjeni ponuda broj: 12-11-15-1771-8/22 od 1. 9. 2022. godine, u kojem je konstatovano:

- Na protokol Ugovornog organa blagovremeno je pristigla jedna ponuda za LOT 7, ponuđača IMTEC d.o.o. Sarajevo
- Ponuda ponuđača IMTEC d.o.o. Sarajevo za LOT 7 ispunjava sve zahtjeve tražene Tenderskom dokumentacijom.
- U predmetnom postupku javne nabavke Ugovorni organ predvidio je provođenje e-aukcije.
- Članom 3. stav. (3) Pravilnika o uslovima i načinu korištenja e-aukcije ("Službeni glasnik BiH", broj: 66/16), propisano je: "U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona."

S obzirom da je u predmetnom postupku nabavke Ugovorni organ primio jednu prihvatljivu ponudu i to ponudu ponuđača IMTEC d.o.o. Sarajevo, ima se primijeniti citarana odredba Pravilnika, te se e-aukcija ne može zakazati.

Cijena ponude ponuđača IMTEC d.o.o. Sarajevo ne prelazi procijenjenu vrijednost nabavke.

Komisija je odgovornom licu Ugovornog organa predložila da u skladu sa članom 69. stav (1) tačka (a) Zakona o javnim nabavkama ugovor za nabavku kompjuterske i uredske opreme – LOT 7 putem otvorenog postupka dodijeli ponuđaču IMTEC d.o.o. Sarajevo, s obzirom da je u predmetnom postupku nabavke ponuda ovog ponuđača jedina pristigla i koju je Komisija ocijenila kao prihvatljivu.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku: U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 10 (deset) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Na prijedlog Komisije Ugovorni organ je donio Odluku kao u dispozitivu.

Dostaviti:

- Ponuđaču:
IMTEC d.o.o. Sarajevo;
- U spis predmeta nabavke;
- a/a.

